

Dalalæðan

1. tbl. 22. árg., 30. janúar 2009



Afturelding aldargömul

Þessi einstaka mynd er tekin fyrir um 70 árum í Tjaldanesi í Mosfellsdal. Þá hafði Ungmennafélagið Afturelding keypt þar stóra spildu af Hrísbrúarbændum og hóf að brjóta land undir íþróttasvæði. Á 4. og 5. áratugnum voru íþróttamót félagsins iðulega haldin í Tjaldanesi.

Í Dalalæðunni er að þessu sinni frásögn af því þegar ungmennafélagar fjlómenntu í Tjaldanes vorið 1938 til að vinna þar við jarðvinnu fyrir íþróttasvæðið. Hugsanlega er myndin tekin við það tækifæri, sem var á sunnudegi, og gæti það skýrt það hvers vegna margir eru sparibúnir, þrátt fyrir að þeir séu að vinna erfiðisvinnu.

Myndin er birt í tilefni af því að Afturelding fagnar aldarafmæli sínu 11. apríl næstkomandi.

Afturelding – nýr dagur í augusýn?

Veturinn hefur verið sérlega mildur það sem af er og á stundum nánast vor í lofti. En á sama tíma lifum við undarlega tíma, bankahrun, pólitíkska ringulreið og jafnvel óeirðir. Þjóðin kallar eftir breytingum og nýrri hugsun í stjórnsmálum og öllu samféluginu.

EKKI verður fullyrt á þessari stundu hvort Vetur konungur eigi eftir að sýna klærnar en eitt er víst að um það leyti sem vorið knýr dyra samkvæmt dagatalinu fagnar Ungmennafélagið Afturelding aldarafmæli sínu. Félagið var stofnað á morgni nýrrar aldar af ungu fólk sem kallaði eftir breytingum – líkt og öll íslenska þjóðin gerir núna.

Saga Aftureldingar verður ekki rakin hér en félagið hefur alla tið átt samleið með mannlifini í Mosfellsdal. Fimmtungur stofnfélaga var úr Dalnum og fimm Dalbúar hafa gegnt for-

mennsku í féluginu: Ólafur Þórðarson á Varmalandi, Þorlákur Guðmundsson í Seljabrekku, Sigurður Skarphéðinson á Minna-Mosfelli, Guðjón Bjarnason í Seljabrekku og Birgir Sigurðsson í Reykjadal.

Ungmennafélagið Afturelding hefur ævinlega borið gæfu til að aðlaga síg nýjum tímum og fundið starfi sínu farveg í samræmi við tíðarandann hverju sinni, án þess þó að missa sjónar af góðum gildum og hugsjónum. Það sama verður því miður ekki sagt um þá sem hafa steypt landi og þjóð í bráðan voða.

Nú þarf öll íslenska þjóðin að horfa til nýrra tíma, líkt og ungt fólk úr Lágafellssókn gerði fyrir réttri öld. Þá stofnaði það félag með nafni sem var fyrirheit um nýjan dag – og nýtt Ísland.

Bjarki Bjarnason

Dalalæðan

1. tbl. 22. árg. 30. janúar 2009

Útgefandi: Íbúasamtökin Vighóll í Mosfellsdal.

Ritstjóri og ábyrgðarmaður: Bjarki Bjarnason.

Umbrot: Rafn Jónsson. Prentun: Prenttorg.

Dalalæðan er prentuð í 150 eintökum. Blaðið er borið út á hvert heimili í Mosfellsdal og einnig sent til brotfluttra Dalbúa.

Merkisafmæli á árinu 2009

80 ára

Sigtryggur Þorsteinsson frá Víðigerði, 30. janúar.

Helga Þórðardóttir frá Mosfelli, 5. september.

75 ára

Hreinn Ólafsson í Helgadal, 17. júlí.

70 ára

Sigurður Skarphéðinsson í Sigtúni, 17. febrúar.

Kristján Ólafsson frá Víði, 25. apríl.

60 ára

María Hákonardóttir frá Grund, 30. apríl.

Guðrún Jóhannsdóttir í Skuld, 7. maí.

Baldur Sigurðsson frá Reykjavík, 13. maí.

Hildur Einarsdóttir á Laugabakka, 25. maí.

Kristján Einarsson frá Reykjavík, 15. júlí.

Þórður Sigurðsson frá Lundi, 22. júlí.

Páll Einar Halldórsson Hraðastöðum 5, 2. september.

50 ára

Tómas Atli Ponzi frá Brennholti, 10. júní.

Monique van Oosten í Selholti, 4. maí.

40 ára

Einar Scheving Thorsteinsson frá Árvangi, 8. apríl.

Gísli Ólafsson frá Hrísbú, 31. maí.

Högni Fróðason frá Dalsgarði, 27. ágúst.

Nina Baastad Hraðastöðum 6, 30. ágúst.

Jóna María Kristjónsdóttir Hraðastaðavegi 11, 28. ágúst.

**Dalalædan óskar
þessu ágæta fólki til
hamingju.**

Dorrablót Dalbúa 1992



Pistlar Birgis Sigurðssonar eru ómissandi á hinu árlega porrablótí Dalbúa en hann hefur flutt þá samfleyytt í 17 ár. Hér verður til fróðleiks rifjaður upp fyrsti annáll Birgis sem fluttur var í Hlígarði í byrjun febrúar árið 1992.

Árið hófst eins og öll hin árin á nýársdegi með tilheyrandi timburmönnum hjá mörgum Dalbúanum. Fljótegla upp úr áramótunum fór að snjóa allrækilega og urðu allir afleggjarar koláfærir og runnu nú upp sannkallaðir gleðidagar fyrir jeppaeigendur í Dalnum.

En það er alveg merkilegt og raunar rannsóknarefni hvað rólegustu menn geta umturnast þegar fer að snjóa, það er að segja ef þeir eiga góðan jeppa með drifi á öllum. Rólyndismaður eins og Gísli í Brekkukoti gersamlega umturnast þegar snjóskaflar eru annarsvegar, hann snarast óðar út í jeppann og þræðir hvern skaflinn af örðrum og mest verður skemmtunin þegar búið er að brjóta tvö eða fleiri drif og allt stendur fast. Jóhann í Dalsgarði keyrði aftur á móti rólega með bros á vör um allar jarðir á

nýja Lada Sport jeppanum sem hann gaf sjálfum sér í jólajöf. Hann hefur reyndar týnt bíl þessum tvisvar síðan um jól, helgast það aðallega af því að hann leggur honum einhversstaðar en leitar svo að hvítum Landrover þegar hann kemur til baka. Þrátt fyrir snjó og ófærð tókst Dalbúum, eins og venjulega, að halda sitt árlega porrablót við mikinn og góðan orðstír og allir rötuðu heim í Dalinn að blóti loknu. Loks kom vorið og leið um Dalinn uns kom sá tími árs þegar nótt er björtust. Þá var það einn dag sem frú Guðný í Melkoti snaraðist út í bílskúr ásamt Halldóri manni sínum, drógu þau þar fram húsþjald sitt forkunnarfagurt. Það höfðu þau keypt af hennar hátign Elísabetu Bretadrottningu fyrir slíkk. Tjaldinu var síðan snarað inn í Landrover þeirra hjóna, af lengri gerðinni, ásamt með fleira dóti. Aldrei þessu vant var Landroverinn ekki bilaður. Var nú keyrt í bláum reykjarmekki niður Dalinn eða allt þar til komið var á móts við Hrísbru, þar var góssið rifið út úr bílnum og dröslað yfir skurð og út í móa.

Þegar í stað var hafist handa við að reisa tjaldið og er því var lokið voru borin inn í það borð og stólar ásamt ferðabar allmíklum sem greinilega var mesti kostagripur. Þá var hengd upp 24 ljósa jólaseríá í öllum regnbogans litum. Fljótegla uppgötvuðu menn að þetta dót allt varð að fá rafmagn til að virka, fóru menn að mæla vegalengdir í næstu hús til að sjá hvar auðveld væri að koma framleingingsnúru í samband. Komust menn að þeirri niðurstöðu að það væri styrt að Furuvöllum. Fór nú Dóri með annan endann á snúrunni yfir skurð og til þeirra Furu-

vallahjóna sem voru að bera hross-atað á túnskika sinn. Signý gaf strax leyfi fyrir rafmagni gegn því hún fengi frítt að drekka á barnum.

Nú kynni kannski einhver að spryja hvað konan vildi með tjald þetta barna úti í móa. Svarið er einfalt, frú Guðný á þá hugsjón heitasta að ræktta nytjaskógl í Mosfellsdalnum og hafði hún látið þau boð út ganga um Dalinn að nú skyldi plantað skógi. Að fenginni reynslu vissi frúin að fólk kæmi í flokkum ef það vissi að það fengi bjór á vægu verði. Er óhætt að segja að það hafi tekist allvel því fólk dreif að. Undir kvöld var svo boðið uppá grillað fjallalamb en Dóri hafði tekið feil á því og rjúpnahópi uppi í Grímannsfelli rétt fyrir jólín. Þegar upp var staðið höfðu menn og konur plantað einum 8 ef ekki 10 hríslum og drukkið ca. 80 lítra af björ.

Sumarið leið svo áfram með sól og rigningu til skiptis þó aðallega rigningu og ekkert markvert virtist ætla að gerast. Þá var það einn daginn þegar sól hafði rutt burt skýjunum að upp Dalinn rennur gljáandi límósína, blá að lit, og stefnir beinustu leið í hlaðið á Dalsgarði. Héldu menn þar á bæ að nú væri eitthvert fyrirmenni að koma í heimsókn, jafnvel einhver úr Sjálfstæðisflokknum eftir litnum á bílnum að dæma. Biðu nú allir spenntir að sjá hver ökumaðurinn væri. Hurðin

opnaðist og stífpússaðir blankskór komu í ljós fyrir neðan hurðina, síðan sté ökumaðurinn allur út, hann var klæddur bláum jakkafötum í hvítri skyrtu og með rautt bindi. Hár og skegg fagurlega greitt, hann gekk í kringum límosínuna, spaskaði aðeins í annað framdekkíð og brosti, aðdáunin skein úr rauðskeggjuðu andlitinu. Dalsgarðsmenn stóðu í skúrdyrunum með rósavendi í höndunum og fannst þeir kannast eitthvað við mannnin. Mundu þeir nú allt í einu að Fróði hafði ekkert sést í skúrnum þennan morguninn. Síðan hefur límosína þessi staðið á hlaðinu í Dalsgarði og er aðeins notuð til sparibrúks á sunnudögum.

Nú, góðir Dalbúar, á að fara að eyða myrkruinu í Dalnum. Alþingiskona Dalsins, sem viðfræg er fyrir ljósagang, hefur kríð út úr hinu háá Alþingi nokkrar krónur svo lýsa megi upp Dalinn og jafnvel breyta veðurfari þar líka.

Dalbúar héldu sína árlegu og víðfrægu áramótabrennu á gamlárkvöld. Guðvarður brennustjóri á Grund sá um að logaði vel í draslinu og Þorkell í Túnfæti stóð krókloppinn og stjórnaði lúðrablæstri hriðskjálfandi blásaranna. Viðstaddir rauluðu: „Nú er glatt í hverjum hól“ og „Nú árið er liðið í aldanna skaut“.

Birgir Sigurðsson

Sjáumst hress á borrablótinu!

Pegar bílastæðid varð til

Á 4. og 5. áratugi síðustu aldar átti Ungmennafélagið Afturelding landspildu í Tjaldanesi í Mosfellsdal og útbjó þar íþróttasvæði. Árið 1940 ritaði Grímur S. Norðdahl á Úlfarsfelli, einn af forystumönnum UMFA, grein í málgagn Aftureldingar sem hét Dagrenningur. Þar greindi hann frá eftirminnilegum degi vorið 1938 þegar ungmennafélagar komu saman í Tjaldanesi til að búa til bílastæði við íþróttavöllinn.

Motto:

*Og þegar lá þar vegur og leyst var þessi braut,
fannst lýðnum alveg sjálfsgagt að þarna væri braut.*

Þegar hugmyndin um að koma upp íþróttavelli hér í sveitinni, var fyrst borin fram, datt mér ekki í hug að taka hana alvarlega. Og það tók nærrí þrjá mánuði að koma mér í skilning um, að það væri í rauninni hægt, fyrir fámennt, en framtakssamt félag, að hrinda þessu máli í framkvæmd. Það var strax sett sem takmark, að völlurinn yrði nothæfur sumarið 1938, svo þá mætti hafa íþróttamótíð þar.

Vorið 1938 var félögunum það fyllilega ljóst, að það yrði að sýna óvenjulega mikinn dugnaði – í verki – ef þessu takmarki ætti að vera náð. Það er ekkert oflof þótt sagt sé: dugnaðurinn brast ekki. Strax og jörð var nokkurnveginn þíð orðin, var farið að grafa skurði í sjálfbóðavinnu. Og þegar leið á vorið, var félögunum stefnt saman til að vinna sunnudag eftir sunnudag. En eftir að leið fram á slátt, bættist næturvinnan við. Allt gekk að óskum. Völlurinn var tilbúinn í tæka tíð. Og svo skemmtilegum vildi til, að strax á fyrsta mótinu, var sett glæsilegasta íþróttametið, í sögu

íþróttamótanna milli ungmennafélaganna Aftureldingar og Drengs. [Guðmundur Jónsson stökk 1,70 metra í hástökki.] En ekki meira um það. Það var sagan af einum vinnudegi í Tjaldanesi, sem hér verður sögð, deginum, þegar bílastæðið varð til

Það var morgunn í maí. Útsynningar og skúraskin. Veðrið réðist vel. Ætlunarverkið þennan dag var að plægja upp móa heima við húsið og aka þúfunum út að vegi og gera þar uppfyllingu, svo hægt væri að snúa þar við bifreiðum og gera bifreiðastæði. Til þess að verkið gengi eitthvað, þurfti að fá marga hesta og vagna, sem bændur í dalnum lánuðu góðfúislega, þrátt fyrir, að þetta var á þeim tíma, sem annríki vagnhestanna er hvað mest. Formaður búnaðarfélagsins [Kristinn Guðmundsson á Mosfelli] kom með plóg og hesta og plægði upp þýfið. Plógstrengirnir voru gripnir glóðvolgir og settir í vagnana. Allt gekk eins og í vegavinnu. Það kom í mitt hlutskipti, að losa vagnana og hlaða saman

hnausunum, og hafði ég gaman af að fylgjast með hinum vaxandi vinnuákafa, sérstaklega eftir að stúlkurnar bættust í hópinn.

Fyrst voru plögstrengirnir stungnir sundur í viðráðanlega „gaffalbita“, en brátt hefur það þótt of seinlegt og þá komu strengirnir í heilu lagi, en ekki veit ég hvaða verkfæri voru notuð til að koma þeim svo stórum í vagnana, líkast til guðsgafflarnir. Þegar þessi atgangur stóð sem hæst, bar þar að bíl. Í honum voru finir herrar. Þeir stöðvuðu bílinn og spurðu mig til vegar að Skeggjastöðum. Ég vísaði þeim á rétta leið, en þeir fóru ekki að heldur, en horfðu undrandi á þessi vinnubrögð. Plægingar, stúlkur að aka mold á sunnudegi, og hópur af mönnum með rekur og kvíslar að hamast í moldarflagi. „Hvað er eiginlega verið að gera hérna?“ spurðu þeir. „Það er verið að gera íþróttavöll,“ svaraði ég, eins og ekkert væri til sjálfsagðara en að allir væru að gera íþróttavöll, fyrst það var sunnudagur. „Já, einmitt það, og er þetta nokkurskonar þegnskylduvinna, og er þarna leikfimishúsíð?“ „Já,“ sagði ég, og nennti ekki að koma með þá

skýringu, að það gæti skeð, að það yrði einhvern tíma leikfimishús. Þeir þökkuðu upplýsingarnar og fóru. En ég skemmti mér við það, hve hlutirnir geta tekið á sig kynlegar myndir í augum ókunnugra.

Nú dró upp kolsvartan sorta yfir Helgafelli. Útsynningshryðja í upp-siglingu. Þá gripum við tækifærið, spennum frá vögnunum og hituðum okkur kaffi; og ekki er að tala um lystina, hún er eins og í skemmtiferð. Krapavatnið dundi á þakinu. Og það greip mann ánægjutilfinning, eins og Bjart í Sumarhúsum, yfir því að vera undir eigin þaki, þótt margt stæði enn til bóta, til þess að húsakynnin væru fullkomin. Og nú var rætt um það, sem gera þurfti, til þess að koma öllum hlutum í lag, og hvað það væri, sem mest á riði að gera fyrir mótið.

Sólin skein og svo var farið að vinna. Það stóð í járnum, þegar verkini var lokið var kominn tími til að halda heim. Glöð í huga litum við yfir það, sem við höfðum gjört og sáum að það var harla gott.

Grimur S. Norðdahl

HROSSARÆKTUNARBÚÐ ÓLAFSHAGI



...Á HORNINU



Auglýsing í Dalalæðunni er ávísun á aukin viðskipti!


Sæfureitur

hefur verið opnað ur í
Dalnum. Ábyrgjumst
hámarksunað. Opnið húus
annaðkvísl. Ljósín dempuð
og tónlistin setðandi....
Alma P.G. Óskars
Símar: 566 og 868...

Svipmyndir frá þorrablóti

Dalbúa 2008






Myndir: Mosfellingur

Bílasaga úr Mosfellsdal

Jón Helgi Hálfðánarson frá Mosfelli fagnaði nýverið 75 ára afmæli sínu. Hann hefur lengi verið búsettur í Hveragerði en hér rifjar hann upp bernskuleiki sína í Mosfellsdal á horfinni öld.

Bílar hafa verið mér hjartfólgir frá bernsku og eru enn. Ég gleymi því aldrei fyrstu bílunum sem ég man eftir frá æskuárum mínum í Dalnum. Má þá nefna Dodge '40, rauðan bíl sem Stefi í Reykjavík (Stefán Þorláksson) átti. Plymouth-bíll var í eigu Ólafs garðyrkjubóna á Laugabóli. Bræðurnir frá Æsustöðum, þeir Ólafur og Hjalti, áttu hvor sinn Ford '30, að mig minnir. Það voru litlir pallbílar með sæti fyrir einn farþega. Margar ferðirnar á þessum tíma gekk ég eða hljóp yfir túnið á Mosfelli að Reykjavík og Laugabóli. Æskufélagi minn og fermingarbróðir, Hreinn Ólafsson á Laugabóli, sem í dag er óðalsbóndi í Helgadal, var leikfélagi minn sem deildi með mér bíladelluáhuganum. Við smíðuðum litla vörubíla í skúrnum hjá Ólafi og bjuggum til fjaðrir úr sléttjárni. Band



var bundið í framöxulinn til að stýra þeim. Síðan settum við palla á þá svo hægt var að stúrtu bæði möl og grjóti. Stýrishúsið var með stýri og sætum en hjólin úr tré með hjóhestagúmmí eins og dekk áttu að líta út. Með þessa vörubíla að vopni lögðum við vegi og brýr fyrir neðan gróðurhús Ólafs. Þetta var okkar veröld. Þessi vegagerð og brúar-smíði var svo vel unnin af okkur Hreini á heimagerðu bílunum að Vegagerð ríkisins kæmist ekki í hálfkvisti við hana í dag.

Jón Helgi Hálfðánarson



Pverholti 2, Kjarna



Ísfugl

ÍSFUGL

Reykjavegur 36 Mosfellsbær
Sími 5666103—Fax 5666762

Veiditölur frá Guðna

Guðni Bjarnason skytta á Hraðastöðum var iðinn við að taka í gikkinn á liðnu ári og hér birtast veiðitölur hans úr Mosfellsbæ fyrir árið 2008.

- Guðni vann þrjú greni á árinu, í Grímannsfelli, Sauðafelli og við Leirvogsvatn.
- Samtals veiddi hann 29 dýr, þar af 16 yrölinga, sex fullorðin dýr á greni og sjö svonefnd hlaupadýr.
- Um 50 minkar lágu í valnum fyrir Guðna, mest í kringum Leirvogsvatn, Leirvogsá og í Mosfellsdal.
- Um 300 sílamávar voru skothir, mest í Leiruvogi. Þar að auki skaut Guðni, ásamt Guðmundi Björnssyni meindýraeyði, 7–8 þúsund sílamáva í Álfnesi á Kjalarnesi, skammt frá Sorpu.
- Um 70 hrafnar lutu í gras fyrir Guðna, flestir í Grímannsfelli.
- Rjúpur: Tölur ekki tiltækar!



**Ferðaþjónustan
og bókaútgáfan**
FRÁ HVIRFLI TIL ILJA
Sími: 566-7098, 820-0320
Netfang: bjabja@ismennt.is
Bjarki Bjarnason

Dýralæknirinn Mosfellsbæ
Þverholti 2, Kjarna
Símar: 566-5066 6600-633

Mosblikk ehf
Hestakerrur sími 894-1236

**Bifreiðaverkstæði
Guðvarðar og Kjartans**
Sími 566-6257

REYKJABÚID
Reykjum • 270 Mosfellsbæ • Sími 566-6800

Dýr mundi Haflidi allur



Silfur Egils fundið!

Samkvæmt Egilssögu liggja ekki einungis sein Egils Skallagrímssonar í jörðu í Mosfellsdal heldur einnig silfur hans. Það hefur þó aldrei fundist, og þó. Þessi mynd var tekin árið 1962 og sýnir Guðmund Ásmundsson og Guðmund Jónsson á Reykjum handfjalla „silfursjóð“ sem átti að sögn Morgunblaðsins að hafa fundist í Kýrgili, austan við Minna-Mosfell. Málið valkti mikla athygli og allmargir lögðu leið sína í Dalinn þennan dag, einkum þeir sem gleymdu að huga að dagsetningu blaðsins: 1. apríl!

Snemma í kristnum sið er getið um kirkju að Mosfelli. Í *Egils sögu* er sagt að „Grímur að Mosfelli var skírður, þá kristni var í lög leidd.“ Bætt er við að hann hafi látið þar kirkju gera.

Fyrsti nafngreindi presturinn sem sat Mosfell var Skafti Þórarinsson 1121–1143 og ef til vill lengur. Elsta heimild um Skafta er í *Nafnaskrá íslenskra presta* í samantekt Ara fróða, prentuð í I. bindi Fornbréfásafns, Dipl. Isl. I:188. Skafti kemur

talsvert við sögu í fornum heimildum, einkum í *Egils sögu*.

Í sögunni er greint frá beinaflutningum Egils Skallagrímssonar frá Hrísbúr í kirkjugarð að Mosfelli. Undir altarisstað í kirkjunni á Hrísbúr fundust mannabein sem voru miklu meiri en annarra manna bein. Að sögn gamalla manna þóttust menn vita að vera mundu bein Egils. Skafti prestur „tók upp hausinn Egils og setti á kirkjugarðinn. Var hausinn undarlega mikill, en hitt

þótti þó meir frá líkendum, hve þungur var. Hausinn var allur bár-ottur utan svo sem hörpuskel. Þá vildi Skafti forvitnast um þykkleik haussins. Tók hann handöxi vel mikla og reiddi annarri hendi sem harðast og laust hamrinum á hausinn og vildi brjóta, en þar sem á kom, hvítнаði hann en ekki dalaði né sprakk, og má af sliku marka, að haus sá mundi ekki auðskaddur fyrir höggum smámennis, meðan svörður og hold fylgdi.“ (*Egil's saga* 89. kapítulí). Við þetta má bæta, að birst hafa athyglisverðar ritgerðir fræðimanna um sjaldgæfan sjúkdóm sem Egill hefur væntanlega þjáðst af og skýrir ofvöxt beina hans, sbr. tímaritið *Skírni* 1984 og 1994.

Í *Sturlungu*, nánar tiltekið *Þor-gilssögu og Hafliða*, er greint frá átökum og deilum þeirra Hafliða

Mássonar og Þorgils Oddasonar. Á Alþingi árið 1120 skyldi leiða til lykta þessa erfiðu deili milli þeirra. Fjölmenntu hvorir tveggja til þings og létu ófriðlega. Þeir gengu vapnaðir til dóma, andstætt fornum lögum og góðum venjum. Veitti Þorgils Hafliða áverka á hendi. Var Þorgils dæmdur sekur skógrarmaður en hann skeytti því engu. Næsta sumar riðu báðir til þings og komust á sættir milli þeirra fyrir milligöngu kennimanna. Skafti var staddir á Þingvelli 5.júlí árið 1121 en það var þriðja dag fyrir þinglausnir. Skyldi Þorgils samkvæmt sættinni gjalda Hafliða 240 kýrverð fyrir fingurmissinn. Varð Skafta þá að orði sem oft hefur verið vitnað til : „Dýr mundi Hafliði allur, ef svo skyldi hver limur.“

Guðjón Jensson

HYSI
Stálgrindarhús,
bogahýsi o.fl.
Völvuteigi 7, Mosfellsbæ
Sími 5346050
Hysi.is

EIGNAMÍÐLUN
Mosfellsbæ
Sími 5868080

Íslandsgröfur ehf.
Leitið ekki langt
yfir skammt!
Grafan er í
Dalnum!
Sími 896 8916

Gandur ehf.
Sími 6968523

Dalsgarður
– við gerum rósir


SS GÍSLASON
VIÐGERÐIR ehf.
Völvuteigi 25

Blómasala alla daga kl. 9.00-13.00
Dalsgarði Mosfellsdal
Gísli Jóhannesson rósabóníð / rosefarmer
Dalsgarður, 270 Mosfellsbæ, Ísland
Sími/tel: +3545667490
Fax: +3545667610
Netfang/e-mail: dalsgardur@isl.is

Frank Ponzi

Brennholti

Fæddur 18. maí 1929,
dáinn 8. febrúar 2008



Frank Ponzi er fallinn frá. Hann fékk að deyja í faðmi Guðrúnar Tómasdóttur, konu sinnar.

Frank var maður tveggja heima, sjálfsþurftarbóndinn í Brennholti og heimsmaðurinn. Hann var af ítölsku foreldri, fæddur og uppalinn í Bandaríkjum.

Frank var holdgervingur þess sem tengja má við zen-búddisma, þar sem lagt er upp úr natni og fágun, með fullkomnum að leiðarljósi. Hvort heldur hann var að prikla tómatplöntur, skrifa texta, gera við málverk fallinna listamanna eða búa til vín úr eigin víngarði.

Frank og Dúna kynntust á námsárunum í New York og tók Frank þá afdrifaríku ákvörðun að flytja með henni til Íslands og það í heimasveit hennar. Þar reistu þau sér hús við bakka Suðurár, stærðarinnar gróðurhús, með öllu því inni í sem fólk práir að innbyrða nú til dags. Þau hjón gerðu Brennholt að hálfgerðri paradís, enda var þar fíkjutré og lítill lækur sem liðaðist um garðinn. Við hjónin kynntumst Frank

á sama tíma, annað okkar hér í Mosfellsdal, en hitt í Norður-New York, þar sem hann bjargaði Hall-dóri frá drukknun. „Bið þrjú eruð mér að kenna,“ sagði hann líka þegar hann hitti okkur fjölskylduna.

Frank var fljótur að koma sér inn í bæði íslenska menningu og bændasamfélag. Sennilegast fyrstur Bandaríjamanna sem gekk um á tékkneskum gúmmískóm. Hann hafði græna fingur og það var viss seremonía að ganga með honum í gegnum gróðurhúsið, sníkja af honum fræ og fá leiðbeiningu um ræktun. Svo þegar inn í stofu var komið tók við háalvarleg kennslustund og umræða um list, sögu hennar og stöðu og fór þá Frank iðulega inn í vinnustofuna sína, eina þá úttroðnustu sem til er, og náði í bækur, blöð eða sendibréf, máli sínu til stuðnings. Oft var reynt að rökræða við Frank, sem endaði iðulega á því að maður fór sneyptur út, samt með fangið fullt af salati og tómötum.

Frank lét ekki lífsgæðakapp-

hlaupið hlaupa með sig í gönur. Hann var nægjusamur, humoristi, ræðinn og kveikti ævinlega á einhverju skemmtilegu. Hann þekkti fjölmarga úr ameríkska listheiminum og hélt nánu sambandi og fylgdist með öllu, þó að hann hafi búið hér á útnára heimsins. Það var ævinlega gestkvæmt í Brennholti og sumir komnir yfir hafið einungis til að heimsækja Frank. Á síðari árum fór Frank að hafa meiri áhuga á að mála sjálfur og létt sig þá hverfa til Ítalíu þar sem hann fann andagiftina. Síðasta verk Franks var að lesa fyrsta eintak af nýju bókinni sinni, endurminningabók sem er að koma út vestanhafs.

Það er mikill sjónarsviptir að Frank, hann gerði mikioð fyrir land og þjóð. Bækur hans um Ísland á fyrri öldum í máli og myndum eru ó-viðjafnanlegar heimildir um íslenskt þjóðfélag, sem hann sýndi ávallt mikinn áhuga og kynnti okkur betur

erlendis, en nokkurt útflutningsráð. Frank skilur bara eftir sig góðar endurminningar sem munu lifa með okkur lengi.

Guðný og Halldór, Melkoti.

Gömul auglýsing

Hér með fyrirbjóðum vér undirskrifaðir ábúendur á Mosfelli og Hrísbú öllum ferðamönnum, sem fara um Mosfellsdal, að á hestum sinum í engjum vorum og beitilöndum nefnilega hinum svo kallaða Mosfellsvíðir og myri þeirri, sem er fyrir neðan og vestan tún á Hrísbú og munum vér hér eptir reyna að verja téðar engjar og beitilönd fyrir usla og ágangi óviðkomandi hrosspenings að því er landslög leyfa.

11. mars 1868.

Þorkell Bjamason.
Ólafur Magnússon.
Benjamin Jónsson.

Ágætu leżendur Dalalædunnar

Nýlega sendi stjórn Víghóls gíróseðla inn á öll heimili í Mosfellsdal, að upphæð 1.500 krónur. Þar er um að ræða árgjald félagsins og styrk fyrir Dalalæðuna.

Dalbúar eru hvattir til að greiða gíróseðilinn eða leggja upp-hæðina inn á reikning félagsins sem er 0315-13-700185. Kennitala Víghóls er 641198-2779.

Frjáls framlög brottfluttra Dalbúa eru einnig vel þegin!

Með bestu kveðjum,

*Rafn Jónsson, formaður Víghóls.
Þóra Bjarnadóttir, gjaldkeri.
Garðar Hreinsson, ritari.*

Annáll ársins 2008

Frá fjölmennum aðalfundi Víghóls 15. janúar sl. Haraldur Sverrisson bæjarstjóri ræðir skipulagsmál dalsins. Ljósmynd: Rafn Jónsson.



Borrablót

Borrablót var haldið í Hlígarði 2. febrúar 2008. Að venju tók stórsveitin Brak og brestir á móti gestum með miklum lúðrabyt. Veislustjóri var Kolfinna Baldvinsdóttir. Biddi var með annálinn, Einar dró í happdrættinu og Smalakórfinn söng, svo fátt eitt sé nefnt. Hljómsveitin Flís og Bogomil Font tóku síðan við og spilaði undir dansi fram á rauða nótta. Bogomil var reyndar tvibókaður og fór snemma en þá tók við ekki síðri söngvari, Sigurður Guðmundsson úr Hjálnum.

Aðalfundur

Aðalfundur Víghóls var haldinn 15. janúar sl. Fundarstjóri var Rafn Jónsson og var fundurinn vel sóttur. Gestir hans voru Haraldur Sverrisson bæjarstjóri, Finnur Birgisson skipulagsstjóri og Gylfi Guðjónsson arkitekt og fóru fram miklar umræður um umhverfis- og skipulagsmál Mosfellsdals.

Hlynur Þórisson gaf ekki kost á sér áfram í stjórn Víghóls en bóra Bjarnadóttir og Rafn Jónsson sitja áfram. Nýr

stjórnarmaður er Garðar Hreinsson. Varamaður í stjórn er Arnar Jónsson. Stjórnin hefur nú skipt með sér verkum þannig að Rafn Jónsson er formaður, Garðar er ritari og Þóra gjaldkeri.

Áramótavarðeldur

Værðeldurinn okkar var á sínum stað í ágætisveðri og spilaði hin sívinsæla hljómsveit Brak og brestir undir söng. Bjarki útbjó söngblað sem dreift var til viðstaddirna þannig að þeir sem vildu gátu sungið með sínu nefi með hjálp forsöngvara.

Dalalæðan

Dalalæðan kom út í 21. skipti hinn 1. febrúar. Blaðið hefur fyrir löngu fest sig í sessi í hjortum Dalbúa sem hlakka til að fá það í póstkassann daginn fyrir porrablót. Bjarki Bjarnason vinnur óeigingert starf við Dalalæðuna og færí ég honum bestu þakkir fyrir sem og þeim sem styrkja útgáfuhennar.

Sjáumst á porrablótinu!
Hlynur Þórisson.